

義

門

先

生

集

義門先生集

歸安吳雲
元和韓崇同輯
吳江翁大年

卷十二

七言律詩

金陵懷古

寥落寒雲蔽舊京
松耶歌怨客心驚
但知天塹藏天闕
不見疑城接石城
一馬尙能龍變化
千門誰使草縱橫
烏衣巷陌尋常在
可是夷吾浪得名

夏日過蘭雪堂偶成

兒童曾是嬉遊地中歲重過意惘然花逕側行驚樹長
水堂移坐詫荷鮮雨來畱久論今舊酒至辭多暑聖賢
更出蘭亭攬陳迹擬將興感附當年

是日雨作酒甚旨而余不飲坐中獲

觀所藏米拓楔帖

賦得佛容爲弟子天許作閑人

安心還得免勞形勤禮蓮花漫託萍淨業夙緣坐接引
散財隨分任沈冥淵明入社仍居士方朔爲郎本歲星
拘縛自除非擺落更於何處却撻窗

贈玠老

聞聲久已重詞林一技能神進道溪跡破宋元窗有古

法畱秦漢可奴今誰言巧妙施於手安識經營運在心
惠我嘉章時把玩花箋纔押喜標金

長干浮圖國力所造倏告災庚辰再過怪復新
之異詢其自而紀小詩

影去曾聞海上看今來紺碧照江干不因面向畱神迹
自憺南臺廢舊觀金榜徧懸頒內殿寶輪爭合施千官
天飛地踊光明裏鐸韻風回又擬鸞

安溪先生保定署中偶得面洋花一本數葩並蒂
望之似木芙蓉而氣甚郁烈畿南秋容此日增
麗爲之賦詩

翦出輕霞雲海仙槎回八月詔新妍
朶攢江岸芙蓉影香散淮山桂樹先
纔試半粧迷五客獨將一種敵平泉
和風帶露爭含笑邀得移根近日邊

讀中州集周得卿謁先主廟詩疑其蹈襲前人復漫成此篇

梁沛黃精欲奪炎宗中傑起此龍潛四星豈爲劉虞會
一木先從李定覘子幹書堂淪舊學桓侯祠屋接重檐
金根羽葆人曾造面顧還憑大義占

馮已蒼謂作江韻詩皆愚物偶和王荊公韻爲一篇
希不見哂于馮氏也

龍騰采石斲長江檄到中原指顧降紫蓋運移難復始
青驄謠合竟成雙休悲地蹙中分界却羨船迴一面牕
東望赫山曾半裂欲從京口酌淡缸

青驄一作青絲

商邨中丞移家園牡丹四種植于法螺精舍入山
正會盛開漫效俳體

高低淡淺綉成堆兔苑移隨馬跡栽貝葉內添新富貴
香光中現小樓臺館娃宮女應無色優鉢曇花不假開
唯共吳王鬪百草舍人虛自洛陽來

滄浪亭面石枰僧院淡色一叢亦中丞公分植并

記四韻

襍花修竹曲藏門仙弈無聲絕豔繁地映琉璃光炫轉
島移鸞鳳戲翩翩當年事闕廬陵記歐公記洛花者三篇惜于時吳中竟無此異日名從北海樽常對孔融樽此花亦由公名矣
欲去卻回亭上望嬌雲濃暖護芳根嬌雲濃暖弄陰晴蘇長史游此亭句

劍池

東遊未擬卽還家破冢猶思出鏐邪止欲收兵窮地下
肯將亾國戒前車此時風起方蹲虎何處雲飛已斷蛇
淡錮三泉終被發淍池仍學劍池窪

雪後戲書

銀沙一夕混遙空敝屣懸知路不通臥穩擁鬚從作蜩

寒戰舐掌笑非熊
神仙偶許窺籬歎
智勇難邀入蔡功
乘興阿誰還興盡
獨憐檢點出塵中

送友之長沙

憐君獨向此江潯
把手河橋淚不禁
匹馬西風千里別
一盃濁酒百年心
雲開湘水橫孤鴈
日落荆門起暮砧
舊是賈生遷謫地
可應弔古動哀吟

共食鹿尾戲作

體名誰向內簪標
珍貴初聞自北朝
遠獻竝將唯有舌
全蒸淡護不輕燒
犀通乍解膏香滿
熊白殘凝雋味饒
功益莫教遺骨鯁
荀郎他日任相調

人言當并
嚼其骨也

壺甘

閩粵土語爲之號

黃甘三寸漫誇雄
吳會懸匏照治東
直儼藏身隨橘麥
不須取酒慕壺公
鮮如榴子渾無滓
淡勝離枝更愈風
剖食芬芳憐尙在
襲收猶敵化州紅

明瑟園

四山環合一溪通
明瑟園當野綠中
遠望拂雲林隱屋
到來宐月水涵空
小欄低檻坐無厭
曲碕平岡步不同
作賦前頭有朱老
景多先怯語難工

過木瀆韓氏隱居觀牡丹

吳王醉處野人家
百品千名照眼奢
暫學仙靈開頃刻

肯貪功業負穠華雖無轡幙畱香霧自有精神奪綺霞
牆外館娃佳麗在解將何語向春誇

白燕二首

天上玉堂春晝開瑤光散彩偶裴回衣鮮豈假花成啖
語好休疑石作胎日照梁閒塵自遠夜明簾畔影相偎
曾逢素質猶能記王謝門高未一來

翩翩舞態與凡殊迴雪爭看泥滓無玉翦乍分春向半
身衣經徙素難渝鷗波日浴翻多事蝶粉朝添只自汙
當戶海棠開帶露似伊猶惜太施朱

蒲劍

碧潤初抽脊，鰐并金人似把。水心擎鋒攢，不逐菰蔣亂。
影細虛邀蛟，鱣驚戛岸有聲磨。未試劃波無迹，萍難成。
刻舟莫效癡兒計，泛蟻從他佐酒兵。

題姜學在江山初霽圖卷

恆聽龍吟役夢魂，墨光濕處帶朝暾。烟橫低吐峯千疊，
雲在遙明漲一痕。帆影盡開天忽判，波文懸蕩壁疑翻。
晴牕縱目清空裏，誰擬同他馬夏論。

進兩河告成詩

有序

伏惟

皇帝陛下憂勞萬民，勸課農桑，篤念田功，所仰莫先。泉

源灌溉之利患不盡去則利未畢修於是決川濬
滄大小以漸而舉視遼如邇屢次

巡幸相度指授在事諸臣辛巳壬午之間南北河工先
後奏績爰自畿甸施及江淮民去沮洳土墾穀殖
益以富樂而

皇帝方欲使平成之澤被于萬世康熙四十一年之冬
復乘收穫之間暇畧時序之嚴凝將

南巡閱視黃運新工十月

駐蹕德州適因大臣召對從容徧詢幽仄臣焯姓名偶
得與達

聖聰

臣

焯伏念始生之歲實在辛丑幸當

聖人作而萬物覩之初乃少壯失學仰負

天覆地載之大恩輾轉慚慚敬就南北河工告成近事

各賦七言四韻律詩一章以志生逢

聖代欣覩度越千古之

偉績雖雅頌非其所職庶竊比于衢歌云爾

北河

聖主憂民庶士同況當畿甸指揮中桑乾亘古名難治
永定今朝獨奏功萬派千條收水利三登九蓄屢年豐
建都四代逢休養扶杖歡呼百歲翁

南河

宣房事久漸南行轉徙原非小智爭前代護陵因運梗

聖謨注海并淮平漫傳土德能堙水

宋儒程子有唐土德獨無河患之論

自是東流待

大清底績尙然勞

帝省只思永賴福蒼生

恭紀

聖恩詩

康熙四十一年十二月二十八日荷蒙

皇上特恩宣諭禮部

欽賜

臣

汪灝

臣

何焯准作舉人一體會試

臣

焯伏念草

野賤微偶得瞻望

龍光祇承

聖訓已屬百生至幸矧無積素累舊之勤乃于儕輩奏

請赴試之時忽被從來未有異數恭聆

寵命感激不勝

臣

焯自辛酉賓興至今南北八試未嘗

一薦親年日老顯揚無期今得遭際

天慈有階上進自愧人材學問至愚極陋唯有從此於

孝廉二字顧名思義一生小心謹慎竭頂踵以報

萬一退復敬賦七言律詩四章紀千載難逢之

恩遇謹拜手稽首以獻

右文稽古際昌時一物還蒙

長育慈

雅頌篇章欣預誦

典謨音訓喜初知

御書真觀鵞羣帖樂府新翻黃絹詞

至教日親無地受況紆

恩命體仁私

金門召入姓名芬趨走從無一日勤幸近

光華依日月敢邀榮祿附風雲不材原合名成晚異數

先占試及羣銷印更煩

專敕降南宮故事未曾聞

鹿鳴重得聽笙簧優贍

天褒盛寵光愧匪雍容能獻納獲同論選出膠庠詩如
杜甫遺科第文到蘇洵待薦揚豈料微生遭

聖主桂林親賜兩枝芳

廿年場屋獨逡巡不敢他途輒問津龍虎榜中難上月
鳳凰詔下忽回春信知造命由

君命厯溯生身至出身移孝作忠何以報矢將廉靜對
楓宸

哭毛斧季

歎息老成俄向盡相從較晚恨還淡錢馮舊學偏能說
蒼雅遺文苦用心閣上掩書讎未畢門前載酒好難尋
生存賤簡亾來惜自古同悲匪直今

吳興太夫人壽詩

賀客門闌今替殊輝輝寶婺一星孤營巢永憶春池鳳
引子淡憐霜樹烏□畔盈虧依月姊海中清淺問麻姑
潘輿迎處千花滿燕喜仍聞奏絳跼

五言絕句

蘭葉

蘭葉雖殊悴國香中不移曲房好將護莫遣春風吹

桃根

面園下成徑井上初萌芽王母能憐汝千年會吐花

長信詞

淡居私自憐玉貌減年年戶外花充滿窗中月影懸

題巢升小像

蕉衫映碧煙晝寂得涼偏擬共攤書坐掀髯話不傳

七言絕句

啖荔圖二首

管年烽火照三山攝守能將省會安星紀屢周勛烈在

甘棠陰裏荔枝丹

白哲郎君類使君
傾筐迎獻擁州民
顙顙仍是遺膏澤
莫比尋常瑞露津

右義門學士題其從弟啖荔圖其圖所題者朱竹垞蔡方麓蔣揚孫一輩人都稱爲章漢年二兄張廷濟記

范蠡

雄畧消歸兒女情
只將一舸載傾城
君王信得無餘望

三徙元由自在行

青邱詩似非少伯意中語漫爾揣量及此

代劉夢得竹枝詞

獼冠班布戲成羣
石甯盤盤裹瘴雲
時節相呼薦狸鼠

叩槽誇取故將軍

將南歸題旅舍壁

江上春生歸已遲
棲棲九陌竟誰知
一竿自斲鱸鄉老
不用劉生五字詩

賦得今月曾經照古人

閱盡虧盈不覺頻
獨輸光景只常新
當年邀月人何處
此夕流天又一輪

讀祖君彥代李密移郡縣檄漫題

幕府狂生空弄筆
江都夢覺欲何如
青青自長南山竹
不許平時寫諫書

題京口負笈圖

推窗濤勢拍天橫
湧洞眞成移我情
風水相遭文訣在
刺船何必向蓬瀛

同舟逸興小冊

仙侶同舟翰墨香
從他夾岸埜塵黃
風流欲似虞山老
兼看長蘅與孟陽

鵬洲將上蒙城出南歸圖屬題漫賦二首

顧盼生姿美據鞍
誰云苒蕕便酸寒
時來拜袞渾閑事
卻自平生志此官

絳帳親傳木鐸音
不收孤陋薄青衿
漆園倘有藏名吏

也向濠梁共寫心

題後意有未盡復成二首四十年髭鬚皓白復於
金華得一再見情固有不客已也

四山搖彩玉塵飛六出風回點客衣把鞍呼童行酒炙
分明意氣踏花歸

雖則時平路復平長途歲莫亦難行畱君無計贈君語
出店宿遲莫趁程

壬午二月朔日乙夜紀所見

厯數今時廢保章楚氛誰志口妖祥從來後服仍先叛
莫笑蚩尤出壽良

知星者云自奎婁指翼軫

題孫某小像

百歲恆棲太白峯往來輕捷一枝筇華陽結習猶難忘
採藥閑時便聽松

詩非先生所致意亦不足名家

此集惟卷八卷九卷十三卷可傳以八九二卷仿汲古毛氏刻題跋
之例並雜識合為二卷而論文雜說三篇及卷一之序六篇卷二記
三篇顧蒼羽傳一篇雜文論判銘恭跋祭文墓志後記共十五篇
另為一卷并詩詞之合為四卷刻入叢書中便是體例秩然足
以傳後倘更廣搜題跋以助後來考訂尤徵美備乃計不出此
濫收成集徒累先生不學無識編集者誠不可謂無咎也三人

者素無名譽不足深責獨說許君以季仇先生弟子究心經
史篆隸之學習聞編訂校讐之論與聞其事不以一言匡正
誠不可解也此集予于外舅平觀登樾峯先生處得之今
冬偶檢出披覽一過為疏所識于書顏及諸奏後而更記
此以誌歲月丁卯冬十一月初十日季旣星詔在郅武記
先生學術毋為通人所誚觀全謝山俞理初集所載正不堪也

附錄

翰林院編修贈侍讀學士義門何先生行狀

沈彤

曾祖思佐生員妣楊氏

祖應登生員妣陸氏

考棟生員妣陸氏吳氏陳氏

先生諱焯字岷瞻蘇之長洲人其先有某者元元統閒以義行旌門先生取其事名書塾學者因稱義門先生少讀書數行齊下爲文才思橫發及長博學強識敦氣節善持論名重吳中康熙之二十四年先生年二十五

介理初先生於已
存稿有書義門讀
書記一文所引
上諭者出 實錄今
錄于後

二十七年十月許三
礼泰何焯作貢生往
來徐乾學之門下代
作會墨序萬言諷刺
乾學託江蘇巡撫訪
擊之

四十五年四月奉
上諭文義荒疏不舉
獲職

由崇明縣學拔貢國子監時崑山徐學士乾學常熟翁
祭酒叔元方收召後進其所善科第立致先生亦遊兩
人門而慎自持見事不符義且加譏切其後交絕於翁
復干徐之怒至辨訟於大府故累躋京闈而名益重四
方莫不聞四十一年冬

聖祖南巡駐涿州 召直隸巡撫李光地語詢草澤遺
才李公以先生薦遂 召直南書房明年 賜舉人試
禮部下第復 賜進士改庶吉士仍直南書房尋 命
侍讀皇八子貝勒府兼武英殿纂修及散館得 旨再
教習三年明年丁外艱歸服闋丁後母艱初先生選刻

四書文行遠集數種流播遠近皆能變學者舊習旣從
安溪相國遊得成引先輩宗傳復刻示厯科程墨三百
篇及以艱家居益勸勵其窮六經翫五子以究極四書
精蘊爲著文之根本李相國聞而喜貽先生書曰有明
盛時治太平而俗淳厚士大夫明理者多蓋經義之學
有助焉今無論已仕未仕稍有才氣輒慕爲詩古文視
經義如土苴子誠諄諄以此指授甚善先生又令學者
從事史鑑羣籍擇所載治法之善者類爲幾編更迭省
想應舉以之對策當官度時地之宜而推行之凡家居
五六年稽古育才不異諸生時其育才也且欲就舉業

五十四年十一月奉
諭生性不識恩義
去官獨進士舉人

而引之儒術故爲教視管尤粹云五十三年冬再以李
公薦 召赴闕仍直武英殿明年授編修又明年秋
駕在熱河有構飛語以聞者

上還京先生迎道旁卽 命收繫并悉簿錄其舍中書
付直南書房學士蔣廷錫等視有無狂誕語檢五日無
有聞有譏笑士大夫著作詬近科文者黏籤以進而書
中所厠辭吳縣令餽金札稿并進焉

上閱畢怒漸解且嘉其有守簡數條 命內侍詣獄詰
責先生各據實奏辨反報僅坐免官還其書 命仍直
武英殿方其被繫也危且不測而先生語言眠食如平

雍正四年三月奉
上諭頗有文名可惜
行世不端身界污
聖明要鑒區以其顯
倒是非也

常銀鐫中正襟讀易聲出戶外上奏數百言無一字脫
誤守者驚服及仍直武英殿益感 恩修纂益力嚴寒
酷暑不少怠歷五六年遂致疾疾劇 詔賜醫藥以六
十一年六月九日卒年六十二

上曰何焯修書勤學問好朕正欲用之不意驟歿深可
憫惜遂復原官 特贈侍讀學士 賜金給符傳歸喪
命有司存恤其孤先生蓄書數萬卷凡經傳子史詩
文集雜說小學多參稽互證以得指歸於其真僞是非
密疎隱顯工拙源流皆各有題識如別黑白及刊本之
謬闕同異字體之正俗亦分辨而補正之其校定兩漢

書三國志最有名乾隆五年從禮部侍郎方苞請令寫其本付國子監爲新刊本所取正而凡題識中有論人者必跡其世微其表裏論事者必通其首尾盡其變論經時大畧者必本其國勢民俗以悉其利病尤超軼數百年評者之林蓋先生才氣豪邁而心細慮周每讀書論古輒思爲用天下之具故詳審絕倫若此暇時喜臨摹晉唐法帖所作真行書竝入能品

聖祖賞命書朱子四書章句集註奏 御嘉獎 命卽

鐫板會

上崩未頒發板貯內府所著詩古文數百篇皆追從唐

之作者語古齋識小錄數冊多刪取諸題識爲之繫獄
時門人某妄意中有忌諱悉取投諸火或傳其藏弃於
家云先生事親孝謹於諸弟能推財讓產餽遺雖親故
不妄受而於親故貧者咸有恩晚歲落官入直芻米僕
賃不給其不妄受也自如門人有才而貧者恆飲食於
家而教之凡著錄者四百知名者三之一超卓者十餘
人夫人王氏忠烈公佐聖孫女亦讀書知大義能輔成
先生志子壽餘一名雲龍生員彤遊先生門五年承其
學行頗有所記憶先生歿時復訪求積十餘載得寢多
戊午己未閒史館蒐天下名人事跡迄今六七年曾莫

附錄
爲之狀以應乃就所見聞擇其大且要者考核而詮敘之以補獻史館備文苑傳之采擇乾隆九年八月朔旦門人吳江沈彤謹狀

翰林院編修贈侍讀學士義門何先生墓誌銘

方黎如

康熙六十一年壬寅六月九日前翰林院編修義門何先生焯以疾卒於京邸時先生失職而仍校書內廷上聞其卒也爲不怡者良久且曰何焯勤學問祇事有年方欲拂拭用之而忽焉以沒深可憫傷還其前官贈侍讀學士旌其魂賻金給符傳以過喪而家在長洲

有司用歲時存卹蓋異數也先生少而奇爲秋岳曹公
言遠王公所器重旣冠以崇明學生選拔入大學名聲
章徹鄉先生諸公要人爭欲令出門下而先生淑梗有
理偶語及故撫吳湯□□公事見鄉先生微反唇卽爲
之氣息茆然而他日黠勘場屋程文不如意者十居七
八鄉先生見之氣涌如山戒門以絕仍訟之大府會大
府前以事囑鄉先生故得不重坐然六試京兆六報罷
其一旣僂得之矣又擠而止之猶尙以前過也歲壬午
聖祖冬狩駐涿州安溪李文貞公時撫直隸迎謁道左
上從容問野宥有遺賢乎公以先生對旣召試遂直

南書房 賜舉人偕禮部試禮部試不第又 賜進士對策高等改庶吉士 命侍讀八貝勒府 武英殿纂修當是時李文貞公號得君一經品題聲生勢長數薦人起家爲顯官去而於先生猶臭味然吹噓送上人謂何天之衢道且大行也然久之散館不授職得 旨再教習三年而先生丁外艱歸服旣闋又丁繼母艱於是先生無宦情將閉戶著書浮沈閭巷間老矣已而又以文貞公薦赴 闕庭始授翰林院編修是爲歲甲午其明年有以蜚語聞者

上還自熱河緣道問何焯安在卽從迎 駕所收繫之

并簿錄舍中書載以兼兩交 內廷學士檢視諸非所
宜言者大索數日不得獨得論俗下文字及詆謫當世
士大夫笑譏罵侮有人所不堪語黏籤以聞而書夾中
有卻吳縣令餽金一札藁并呈之

上閱之怒霽中摘數條遣內侍賫獄呵問反報簿其罪
僅坐免官直 武英殿自若也方事之殷也雷電交至
銀鐺纍纍在其頸邊觀者爲之五色無主而先生意氣
自如畧不損眠食危坐讀易聲震戶外承譴問隨事自
辨數奏對凡數百言字畫端謹無一譌脫守視吏聚觀
歎息謂漢兒乃有此人旣出獄直 殿廷事益勤辰入

酉出不辟寒暑他人有弛置自便不了事者閒爲手了之如是者六七年旣艱旣瘁痼疾乃發氣乘肺溢爲水浮膚以卒年六十二矣先生書不去前閱觀博考而貫之以一大抵經史爲主盟其讀經必得經所以云之意而不取輔漢卿曰此盪脫郎也讀史必熟其事變之血脈而不取胡致堂曰此坐談客也人必論其世體必究諸用苟濫不作亦不苟爲異同蓋將與儒生俗吏不識時務者一雪此言有用我則慎斯術以往非筆墨閒事也書籤壓鄴架以善本對共校讎至再三必如劉中壘所云殺青可繕寫者乃已所著詩歌古文數百篇語古

齋識小錄十數卷方簿錄時門弟子恐中有根觸語悉
付一炬成焦土云喜譚經生藝爲經生藝者往往持質
先生冀以游揚聲譽而先生不肯爲背面遇有佳作逢
人說項一不當意閱畢卽以如意帖几上不置一詞當
之者辱過撻市以是多怨者異時蜚語之間未必非此
輩文致而先生勿之悔有來者仍率胸懷待之書法精
妙與人尺牘人皆藏弄以爲榮嘗奉

聖祖命寫朱子四書章句集註鋟其板貯 禁中俟頒
也惇行孝弟事後母者再而皆得其歡居憂時也甘露
降庭樹推財於諸弟者數數也遇親故皆有恩而守節

清苦已顧不妄受人一錢初字潤千哭其母更字屺瞻
先世當元統閒有以義行旌門者先生取名其書塾學
者復稱義門先生曾大父思佐妣楊氏大父應登妣陸
氏父棟妣陸氏吳氏陳氏三世皆以諸生老而鍾美於
先生當顯矣旣室復亨仍不竟其用有子雲龍邑諸生
也相方諏日屬銘其埋而以沈君冠雲之狀來因敘而
系之詩曰

千古有訓君相者造命以一字而拔人決起千仞入天
門候聽先生之初晉如而摧如值啟事之山公 帝曰
女俞俾禮堂定書一落千丈推墮兮滉瀟終遇雨以說

弧蘇而復上將利有攸往匪辰匪已遽呼兮起起潤餘
名於枯骨丹旄徒倚榮光在蒿里易呼三不朽之一其
言也立先生有言兮滿堂滿室經律稽諏兮子史翔集
繭絲牛毛兮龍文虎脊藏之名山兮大都大邑世無解
人兮索之不得後有聖人兮俟之不惑易呼先生安此
玄宅

翰林院編修贈學士長洲何公墓碑銘

全祖望

國初多稽古洽聞之士至康熙中葉而衰士之不欲以
帖括自竟者稍廓之爲詞章之學已耳求其原原本本

確有所折衷而心得之者未之有也長洲何公生於三吳聲氣之場顧獨篤志於學其讀書繭絲牛毛旁推而交通之必審必覈凡所持論考之先正無一語無根據吳下多書估公從之訪購宋元舊槧及故家鈔本細讎正之一卷或積數十過丹黃稠疊而後知近世之書脫漏譌謬讀者沈迷於其中而終身未曉也公少嘗選定坊社時文以行世是以溥海之內五尺童子皆道之而不知其爲劉道原洪野廬一輩及其晚歲益有見於儒者之大原嘗歎王厚齋雖魁宿尙未洗盡詞科習氣爲可惜而淡自歆然以爲特不賢者識小之徒而公之所

得自此益遠則世固未之能盡知也顧公一生遭遇之
蹇則人世之所絕少者公天性最耿介取與尤廉苟其
肚中所不可雖千金不屑口晨炊未具不計也每面斥
人過其一往厄窮蓋由於此初受知於崑山徐尙書崑
山之門舉世以爲青雲之藉所以待公者甚沃而爲忌
者所中失歡戊辰校文之役至訟之於大府遂有下石
欲殺之者崑山謂何生狂士不過欲少懲之耳夫何甚
事乃得解已而常熟翁尙書亦延致之翁之子安人也
公又忤之大爲所窘及尙書受要人指劾睢州湯文正
公滿朝憤之莫敢訟言其罪獨慈谿姜徵君西溟移文

譏之而公上書請削門生之籍天下快焉然公竟以是
潦倒場屋不得邀一薦最後始爲安溪李相所知相與
發明大義脫落枝葉醇如也於是

聖祖仁皇帝聞其姓名召見侍直南書房尋特賜甲乙
科入翰林兼侍直 皇八子府中然忌者滋多三年散
館置之下等而斥之天下之人駭焉尋得

恩旨畱浮沈庶常閒游歷內外艱又十年始復以安谿
薦得召授編修然不復直南書房忌者終無已時箕斗
交構幾陷大禍幸賴

聖祖如天之仁兼以知人之哲得始終曲全然亦憐矣

方事之殷校尉縛公馬上馳送獄家人惶怖公入獄眠食如故及所司盡籍其邸中書籍以進

聖祖乙夜覽之曰是固讀書種子也而其中曾無失職缺望之語又見其草稿有辭吳縣令餽金札而異之乃盡以其書還之罪止解官仍參書局公出獄卽趨局校書如故是時諸王皆右文朱邸所聚冊府多資公校之世宗憲皇帝在潛藩亦以困學紀聞屬公箋疏康熙六十年六月九日病卒時

聖祖方有用公之意聞之軫悼

特贈超坊局諸階爲侍讀學士公之卒踰二十餘年而

其門人陸君錫疇謂予曰吾師遭遇之詳子旣熟知之矣其身後之蹇亦知之乎予曰未之聞也曰吾師最矜慎不肯輕著書苟有所得再三詳定以爲可者則約言以記之積久遂成道古錄如千卷蓋亦厚齋困學紀聞之流乃同門有荷吾師嘘拂之力而晚背之者竊其書去因乾沒焉今遂不可得是一恨也年來頗有嗜吾師之學者兼金以購其所閱經史諸本吳下估人多冒其跡以求售於是有何氏僞書而人莫之疑又一恨也吾師之歿時值諸王多獲戾者風波之下麗牲之石未具近幸得常熟陶穉中太常許爲之而太常遽歿又一恨

也子能爲補太常之一恨否予曰諾乃綜述其門人沈
彤所爲行狀而序之公諱焯字岷瞻晚字茶仙江南蘇
州府長洲縣人也先世曾以義門旌學者因稱爲義門
先生康熙癸未進士曾祖思佐祖應登父棟皆諸生娶
王氏卒年六十有二子一壽餘諸生葬於某鄉之某原
其所著惟困學紀聞箋行世而書法尤爲時所傳云公
與桐城方侍郎望谿論文不甚合望谿最惡□□之文
而公頗右之謂自□□後更無人矣蓋公少學於邵僧
彌僧彌出自□□故也望谿爭之力然望谿有作必問
其友曰義門見之否如有言乞以告我義門能糾吾文

之短者嗚呼前輩直諒之風遠矣其銘曰

天子知之宰相知之而竟坎壈以尼於時穹窿山上帶
草絲絲

祭何義門文

儲大文

嗚呼先生其學至博而約以守之非縱橫技術之所能
雜其鹽至慤而精以運之非名例科律之所能程無所
不納而時拒之而翕納渭濟之派無所不茹而時吐之
而微茹蕙鞠之英詩格三唐字畫兩晉而綜厥饒畧旁
暨瑣末胥克祛俗而正雅裁偽而崇經嗚呼先生昔者
楊學士之早結主知劉侍讀之驟屈廷議當時宿老宗

工且咨嗟動色而先生

賜第贈秩終始褒榮三代之直道彌耀九域之公論常
平至若屈信互倚得失交橫屬在友朋從容燕坐盞嘗
以趙餘干之寄語於僧寺董蘘城之畱語於邱舍耆相
與曲諭而旁徵先生亦慨然太息指數今古凡孔英片
辭伯璫列牘未嘗不慨其易按之迹而發其難顯之情
迨至巒峙潦清事勢錯出而先生言卒多驗則夫以拒
爲納以吐爲茹夫固用之於隆冊厚帙羣信之而不疑
者其神業不可謂不克察而用之於注式選格羣爭之
而不讓者其識抑不可謂不克貞也嗚呼先生百年閃

忽千載崢嶸翁熱之態既非高明之所雅喜而恢廓之
器又非驚鈍之所終勝惟是晨繙宵校矻矻循循而凡
籍末學祇清誨所謂我老將休付子斯文者抑何以緒
洞山之燈衍崑嶠之葉而迄俾吾道之考鼂而鏗鯨也
嗚呼先生維水也潔維玉也晶爰薦辭兮無媿儼昭格
兮有聲

辛酉季夏月借王鴻禎比部藏本過錄一通廿六日哲明記

義門先生諸文散失已久余友為梓坊搜
羅二十年得其門人張位字青芝者所輯
詩文一冊為覃溪先生所輯小集一冊屠
君伯洪所輯雜著一冊徐君問渠傳鈔
題跋一卷蔣君生沐傳鈔文集一卷後
得張丈未未張君石齋楊丈芸士韓丈
履卿陳君壽卿六舟周士相助采錄者

文獻百篇余曾所見亦隨時鈔寄今年
夏姪均携是集來與余占韓丈任劄劄
之事并爲予重校核其同異釐爲
十卷附不繫年月名居爲散亦爲體一體
中間有年月仍以先後爲次尺牘未彙
聚就所錄存者編入附於年集類黃門
云核定書集亦何容易是集或沒先生

手蹟傳寫或從友人鈔本借錄雖悉
以翻校恐仍有舛誤爲考隨時訂正續
有所得亦即補入至先生之學行多欣
果堂金樹山所撰行狀墓志詳載茲不
遑及云道光庚戌秋七月歸安吳甯并書

義門弟子姓氏錄

言德堅侶白

常熟吳公裔

陳景雲少章

吳江學姓周
府志有傳

陳汝楫季方

本籍長洲人
府志有傳

王守烈大武

常熟

王曾雲應之

文恪七世孫

徐榛光亮直

文名最著
府志有傳

錢廷錦簡臣

常熟

陳震彥瑜

吳江學姓周僖敏六世孫

丁鉉桓審

楊姓宋

顧茲智遜愚

陳世治師洛

學姓曹僖敏七世孫
府志有傳

郁柱子畏

太倉 金山學姓陶

沈翀石虹

黃起蛟孝存

無錫

王者同元楨

沂州

金鳳翔來雍

張子星曙東

何均正平

孫圖南扶雲

楊在學三

詩人無補孫明遠子

張昆仲友

華亭恭懿七世孫

趙鈞次奇

明遠孫

徐琰尙臣

學姓周

沈曾貽天祿

孫浩亦大

常熟

徐皋石可

陸壘山有

海鹽學姓吳

耿光長明

北通州學

邵憲陂千

洪力行待臣

歙縣

王者弼元亮

沂州

王者賓元友

沂州

顧萬公

惠元點方九

徐敦復存純

王佩瑞

王佩琳玉韻

沂州

王者詢元岳

沂州

陳永祺宋州如皋

俞夢帶念庭大興

胡作霖昭文

劉以濬凝峴睢州

劉以澄凝遠睢州

鄭軻面麟

顧廣扶九學姓張

周世標聲先

徐赤五成瓜涇中丞七世孫

鄒世旃香士

郭天相尙父

沈夏商蘊培學姓夏

顧延琳禹玉

程培雲上

何起元允欽

徐志旭升

王岐斗文學姓薛

韋曾望念菴沂州

俞來求令雲楊姓張

張桂自復

周遠少逸

顧章廷獻

洪書任臣

歙縣楊姓吳

沈培錫九

楊姓秦

顧滋樹空

陳璜瑗丈

劉以匯中江

睢州

劉以瀚雪涯

睢州

胡肇隆維馨

趙廷珩玉佩

袁之琰

金世昭孝嘉

張位良思

陳寶少方

聶品

大興

丁淇衛瞻

孟暉朗行

沂州

王大田

上元

馮詠夔颺

金溪

張嘉客戒平

學姓徐

楊孝元介公

無錫

張錦禹文

吳江

丁沅湘南

金敦度凝遠

休寧

邵臨緱山

周鳳來見安

忠介曾孫本籍吳縣人

錢學洵幼潛

洪炳行韜文

歙縣

倪承茂稼咸

吳郡

呂遷東表

常熟

李之標

婺源

李之極

婺源

沈詣雋超

沈巖穎谷

學姓李

王坤晉賢

陳奕鍵開之

朱成卓上珍

楊姓成

周如潮星來

傅廷標因是

仁和

沈謙去爭

府志有傳

汪偉曾若

張貽孫

姚溥天如

趙嗣孝太原

常熟文毅曾孫

龐通祿受天

汪坻子京

邵復應中

黃振羽

沈霖麟昭

吳江楊姓申

呂發新礪

錢大飛牧仁

常熟學姓方

錢仁安敬亨

常熟

徐鈞玉名

王琴愔士

江孟文恪七世孫

毛綏靖道思

常熟

包弘基期萬

章克長夔典

鄭薦廷

休寧

李士琮紉佩

崑山

張灃白湖

仁好文懿曾孫

沈曾埭南美

王定遠肄雅

顧爲章士空

金農香鐵

錢唐寺門先生也

沈崢維學

翁從泰

金沈贊以宜

本姓費仲雲曾孫摩姓沈諱贊號存齋

黃會鼎成

姜震念劬

貞毅曾孫

蔣建標字參

蔣恭棐維御

迪夫府志有傳

毛元英

朱德曙

金天麟德賓

崑山

金

周

無錫

張謨

龔用銓上衡

徐夔龍友

少司空四世孫

王孝思蓼莊

婁縣

費洪謨軒文

吳江

金詢于蕘

休寧

錢士鰲占先

常熟

張江百川

建昌

有詩文傳世世所稱張太史也

呂懿歷敬授

石門晚村孫

顧其望渭熊

馮鰲松崖

常熟

曾善繹寶庭

常熟

杜瑛漢山

無錫

杜璿名渠

無錫

李珠

蔣棟子範

本籍長洲

蔣杲子遵

本籍長洲人

文永豐時大

文肅四世孫

蔡應元

大興

陸森桂南英

楊姓郭

沈辰熙其凝

吳江

陳又龍求古

沈彤冠雲

吳江果堂先生

倪師孟南璫

烏程楊姓沈

朱本藻受采

金穀基貽孫

張師良

沈祖禹楚揆

吳江

金本仁在任

鈕金聲聖能

陳朝鼎旦明

迺王灝滄洲

吳江

鄭熾壽昌

杜世瑛領干

張晟奕光

李文銳鼎臣

梅林如一

歸安

陳格去非

學姓汪文莊曾孫本籍長洲人

沈驚遠震來

吳江

薄啟源自崑

歸向瀾

歸向潮學韓

張常惠鄭良

崇明

沙志道我鑒

沈鳳觀德輝

包連第元英

吳江

施雨來潤章

崇明

黃宮子元

武進

張通方經遠

王史

子任

無錫

姚懋義敷遵

姚懋禮儀三

邵士棣萼庭

常熟

徐鎮惡任好

朱家瑞交讓

趙大鯨橫山

錢唐

成汝玉金聲

仁和

劉文煒啟明

公旦先生孫

沈聯熙景行

吳江

萬松齡星鍾

宜興

金統熙大爲

沈所尙鼎五

李鑑明古

汪應銓杜林

常熟

黃卷宣伯

莆田

馮永振實宏

錢厝

陸枚實君

李玉與雪

姜本任衡吾

貞毅孫

姜本渭綸周

貞毅孫

蔣琳

蔣淋

陸經伯顏

仲是保羹梅

常熟

趙繼序圻青

休寧

楊本源子畏

李大德皆令

王時升友周

莆田忠端諱家彥孫

唐雄文載道

常熟

顧倬希良

吳江

陸彥超邠黍

學姓徐

楊鑑

張進翼庭

金聖基秉恆

徐宗軾端明

唐同寅協恭

吳大山樹雲

學姓張

金友安慰蒼

戴熙虞載

常熟

施承櫛硯貽

施承櫛素田

陳榜義方

張宸錦陞良

無錫

周煜麗成

沈茂華芝岡

榜姓馮歸安

朱宗望應之

任燦昭文

休寧

言士紳張書

錢唐

金愷漢三

吳縣人府志有傳

陸祖彬

趙宗贊心陸

休寧

孫泰汶嘉猷

徐浩被光

吳江

陶溥非涯

陳曾光駁偉

吳江

顧廷機揆敘

龐蔣經魯望

吳江

吳其煒恆叔

吳江兩尚書世孫

周齊柱砥中

俞熨硯山

鄭蘭芝庭

本籍長洲人桐廬先生孫

姪堂子未

程夢麟淑泗

休寧

陳漢揆九

申佩忠一

劉式璿玉齋

蕪湖

李鍼惟愈

沈芳紉佩

吳江學姓李府志有傳

王棻卓人

吳宗邵鏡齋

蕪湖

張鼎价藩

吳江

畢朝瑞升王

婁縣

俞荃

周芝皓采

忠介曾孫本籍吳縣人

葉秉鑑

孫紹基念祖

漢陽

孫崇實樸存

吳項鼎鳳客

沈成瑗方蘊

顧煒景炎

蔡曾瓏

崑山

鮑周冕安禮

休寧

邵仁淡贊元

鄭大賓子尙

歸安

沈中學誠

湯學會沂公

毛念鞠景文

吳江

張璠魯傳

青浦

葉淵澄安

吳學祖允純

李翹

婺源

金義嶠陽

迮揚思賡若

吳江

程錦樞翊宸

府志有傳名雲龍

薛錢饒信余

無錫

蔡榮祖申公

忠襄曾孫

蔡爾光楚公

程嘉錫師田

休寧

錢吳行品三

常熟

顧翔千仞

學姓丁

陸樹敏遜時

方懷慎敬儼

崑山

郭恆立方

鯢溪六世孫

郭恂存純

鯢溪六世孫

魏爲周武靜

嘉善忠節四世孫

高陸恂偉仙

曹繼光健中

無錫嘉定學姓周

秦瑞熙五輯

無錫

秦西雝

翟鎮元符

涇縣

花金庭靜山

常熟學姓周

錢乾修時御

常熟

陳大昌俞言

陶蔣琳維一

陶仙感甫生

張廷標

吳江

徐祖翼培雲

吳江奕國手

劉桂恪庭

楊文法天來

楊遇時

徐勘旦惟

徐紘受勤

錢無滯

張瀚同源

張志倫

劉振宗

蔣嘉煊

吳化鵬繡分

休寧

時存仁

朱遷

蔡徐詩學庭

陸錫疇義鴻

陸錫庸東屏

陸錫類穎育

張浩學溥

徐歌岸祖頷

陸蒼培學起

蔡爾浚魏公

陳道行學山

江陰

李清藻信侯

福建安溪

夏肯堂紹芳

休寧

楊知无諍

諱仲仁和

翟鐔龍文

涇縣

吳端升申錫

宏興

儲光龍于賓

宏興

馮歷欽南

山西代州

袁湯焯炳源

高本治山骨

錢唐

蔣志極大梁

令聞長興

鄭江璣尺

仁和楊姓錢復姓

韋瀛秀周士

歸安

吳大受子登

德清

楊士凝立誠

武進

杜庭珠貽穀

秀水宗約子

程鵬鯤爲

江都

汪峙亭立

休寧

倪之鎰司成

桐城

張遠棣恬

金筠翰周

休寧新橋姓沈

陸瓚虔實

吳江

陳景登學中

江陰

董琰蘇門

秀水潯陽公世孫

陸建杓斗臣

李于益翼夫

德州

孫于藍莊夫

德州

孫于盤慎夫

德州

孫今蘭香祖

德州

陳樹芝瓊田

湘潭

陳樹萱慈田

湘潭

鄭九川濬心

嘉興

顧克恕學會

華毓琰

無錫

黃豹蔚文

平湖

范玉鈺祁湘

仁和

汪德容雲尺

仁和楊姓奚

金虞長孺

錢唐

金士奇繪卣

錢唐

方超然蘇臺

淳安

方粹然心醺

淳安

薄溶起東

大興

邵泰峙東

大興

儲晉觀寬夫

安興

吳敦烜方侯

淳安

諸錦襄七

秀水

汪振甲昆鯨

仁和

姚浩

錢襄思贊

王興吾宗之

華亭

魯曾煜啟人

會稽

姜邵湘賦三

錢唐籍楊姓邵復姓

李牧仲

吳士珣東升

本籍吳縣人

儲雄文汜雲

安興

史

安興

津

戴永禎翊皇

姪發子懷

右義門弟子姓氏一卷同郡屠伯洪傳鈔何硯春家藏本伯洪謂原本似缺其首不知尙有幾人否大年案沈氏彤撰義門先生行狀有云門人有才而貧者恆飲食於家而教之凡著錄者四百知名者三之一超卓者十餘人今是書卷首言德堅迄卷尾姪發子懷已有三百八十一人疑沈氏云四百者特舉其成數而言原本或本無標首非殘缺與伯洪名鐘今名蘇嘗蒐輯先生詩若文數十百

篇今竝歸於余硯春先生之元孫也道光廿四年
九月廿日吳江翁大年叔均謹記